

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 25.04.2018թ. թիվ 1807980239 որոշումն անփոփոխ, իսկ վարչական բողոքն առանց բավարարման թողնելու մասին

<<24>> 05 2018թ. 17-13-57275-18/17-13-311

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Վահե Հովհաննիսյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Շարուրի փողոց 24/2 շենք 106 բնակարանի բնակիչ Վահե Հովհաննիսյանը դիմումով խնդրել է վերանայել մայթով երթևեկելու համար Ճանապարհային ոստիկանության վարչական տույժ նշանակելու մասին 25.04.2018թ. թիվ 1807980239 որոշումը՝ նշելով, որ այդ օրերին զանգվածային ցույցերի պատճառով ստիպված է եղել մի քանի վայրկյան երթևեկել մայթերով:

Դիմումի քննարկման արդյունքում պարզվել է, որ դիմումատուի փաստարկն անհիմն է և չի կարող վարչական ակտը վերանայելու հիմք հանդիսանալ հետևյալ պատճառաբանությամբ.

Մայթ հասկացությունը սահմանված է ՀՀ Ճանապարհային երթևեկության անվտանգության ապահովման մասին>> ՀՀ օրենքի 2-րդ հոդվածով, համաձայն որի այն օրենսդրությամբ սահմանված կարգով հետիոտների տեղաշարժվելու համար նախատեսված երթևեկելի մասին հարող կամ դրանից որևէ եղանակով առանձնացված ճանապարհի տարր է:

Վիճարկվող որոշման հիմքում դրված տեսանյութը փաստում է, որ դիմումատուն 15.04.2018թ. ժամը՝ 18:43-ին Երևան քաղաքի Գայի – Բաղյան փողոցների խաչմերուկի հատվածում երթևեկում է հետիոտնի տեղաշարժվելու համար նախատեսված երթևեկելի մասին հարող և դրանից առանձնացված մասով, այսինքն մայթով, իսկ ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 61-րդ կետով երթևեկությունը մայթերով արգելված է, ինչի համար Վարչական իրավախախտումների վերաբերյալ ՀՀ օրենսգրքի 124-րդ հոդվածի 27-րդ մասով սահմանված է վարչական պատասխանատվություն, հետևաբար իրավախախտման փաստով կայացված վարչական տույժ նշանակելու մասին 25.04.2018թ. թիվ 1807980239 որոշումն իրավաչափ է և այն բեկանելու որևէ հիմք առկա չէ:

Ինչ վերաբերվում է դիմումատուի այն պնդմանը, որ տվյալ վայրում անհնազանդության ակցիաներ իրականացնող անձինք խոչընդոտ են հանդիսացել հետագա ընթացքին, ապա Ճանապարհային ոստիկանության վարչական տույժ նշանակելու մասին 25.04.2018թ. թիվ 1807980239 որոշմամբ արձանագրված իրավախախտումն ամրագրած տեսանյութի լրացուցիչ ուսումնասիրության արդյունքում պարզ երևում է, որ այլ տրանսպորտային միջոցներ անարգել երթևեկում են նշված փողոցով, որը նույն ձևով կարող էր կատարել դիմումատուն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 25.04.2018թ. թիվ 1807980239 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Վահե Հովհաննիսյանին: